

Mazarin
3756

Le Te-Devm general de tovs
les bon francois

RARE BOOK
COLLECTION




THE LIBRARY OF THE
UNIVERSITY OF
NORTH CAROLINA
AT
CHAPEL HILL

Mazarin
3756

UNIVERSITY OF N.C. AT CHAPEL HILL



00023010046



LE TE-DEVM

GENERAL

DE TOVS LES BONS FRANCOIS.

Sur la prise de Messieurs les Princes.

LE ROY.

IE ne fus iamais plus satisfait, que lors qu'on me vint dire qu'on auoit arresté le Prince, & tous ceux de sa cabale. La ioye que cette nouuelle me donna, ne se scauroit exprimer, tant elle est extreme. Ce qui va pourtant donner de l'estonnement à toute l'Europe. Mais quelle sçache que ie veux regner en paix, & que ie ne sçauois souffrir que qui que ce soit apporte du desordre en mes affaires. A l'exemple de Dauid, ie veux éloigner de ma persône tous ceux que ie scauray estre d'une vie pernicieuse. Leurs exemples peruertissent le Prince qui les souffre, & le disposent à toute sorte de cruauté & de barbaries pour le rendre odieux à Dieu & aux hommes. Tellement qu'il n'y a eu mal-heur depuis mon regne dont ces gens-là n'ayent esté les instrumens, ny precipice où ils n'ayent ietté ceux qui se laissoient aller à leurs caprices. Ils nous pensoient tēdre des pieges & deceuoir nostre credulité: mais Dieu qui protege les innocens, & qui punit les coupables, les à fait choir du faiste de leurs desseins en l'abisme de nos disgraces: car il prend plaisir de détruire les propos des hommes pernicieux, & d'humilier ceux qui brassent des lâchetés à leur Seigneur & à leur maistre. Leurs paroles estoient des blesseures secretes en la personne de ceux qui leur prestoiēt l'oreille, veu qu'ils ne parloient iamais que pour tēter ou pour seduire. C'est pourquoy loions le Seigneur de nous auoir desfillé les yeux, & de nous auoir inspirez à nous en saisir, pour les mettre en lieu de seureté, pour les empescher d'executer les funestes desseins qu'ils auoient conçeus & contre l'Estat, & contre nostre personne.

Mon ame magnifie le Seigneur, & mon esprit s'étoit au Dieu de mon salut, qui a fait le Ciel & la terre: Car il a eu esgard à la bassesse de sa seruante; & pour cela tous les siècles me diront doresnauant bien-heureuse. Le Seigneur tout-puissant a fait de grandes choses en moy, & son nom est saint, d'une sainteté incōprehenfible. Sa misericorde se continuera de lignée en lignée vers ceux qui le craignent & qui le reuerent. Il a monsté la force de son bras: & il a dissipé les pensées & le conseil des meschans, des orgueilleux, & de mes aduersaires. Il a maintenu le Roy en son thrōne, à la confusion des libertins & des impies. Il a comblé tout l'Estat de benedictions, & il a humilié ceux qui ne travailloient qu'à sa perte. Il a pris le Roy en sa protection, & il a eu souuenance de ses promesses & de ses misericordes, ainsi qu'il l'auoit fait esperer au feu Roy d'eternelle memoire. Retirez-vous donc de moy vous tous qui faites estat d'iniquité: car le Seigneur a exaucé la voix de mes pleurs: le Seigneur a ouy ma priere: le Seigneur a receu mon oraison. Que tous mes ennemis, ayent hōte & soient grandement troublez; puisqu'il nous a si bien assistez de ses graces. Le Seigneur regne, que toute la France s'en éioiisse, & que tous ses peuples en meinent lieffe. Ses gardes sont autour de luy, & la Iustice & l'equité sont le fondement de son thrōne. Le feu ira deuant sa face pour reduire tous ses ennemis en cendre. Ses foudres ont éclairé sur la terre, & le peuple la veu, & en atremblé. Vous iustes esioiissez vous au Seigneur, des merueilles qu'il a faites en faueur du fils Aîné de son Eglise. Ouy mon Dieu-donné, ceignez vostre espée à vostre costé, & pour suiuez vos entreprises avec toute prosperité. Regnez heureusement sur vostre peuple en paroles de verité, de clemence & de Iustice, & Dieu détruira vos ennemis, & vous conduira à des choses admirables. Vos flèches aiguës penetrerōt iusques au cœur des meschans, & les peuples s'humilieront deuant vostre face. Aimez la Iustice & fuyez l'iniquité; parce que Dieu vous a sacré d'huile de lieffe, plus excellentement que tout le reste des autres Princes. Les filles & les femmes des Roys sont aux lieux plus honorables de vostre Palais Royal, & ie suis à vostre dextre pour veiller au salut de

3

vostre Personne. Loüons donc le Seigneur, de nous auoir li-
urez nos ennemis, & de les auoir mis en estat de ne vous pou-
uoir pas nuire.

MONSIEVR LE DVC D'ORLEANS.

Il faut estre nay Prince, & d'une race tres-illustre, pour
auoir l'honneur d'approcher le Roy si librement que vous fai-
siez, & si il faut encore estre tres-vertueux, & tres-expert aux
Ciuititez & aux defferences, & non pas estre altier, arrogant,
& imperieux, comme ce Prince qu'on a mis au Bois de Vin-
cènes. Il se trouue fort peu des Souuerains qui soient vicieux
de leur propre mouuement, s'ils ne sont de sa constitution &
de sa naissance, ou si quelqu'un de ceux qui les abordent ne
les y portent. Il ne deuoit pas tât regarder aux hōneurs qu'on
luy faisoit, comme il deuoit regarder à ses propres merites:
Car les loüanges qu'on luy donnoit sans les auoir meritez, luy
reprochoient ses deffauts, & le porttoient à des vanités qui le
rendoient odieux à Dieu & aux hommes. Il est vray qu'on luy
rendoit les mesmes honneurs qu'on auroit renduës aux plus
vertueux de tous les hommes: Mais ce n'estoit qu'à cause que
nous luy faisons l'honneur de l'appuyer, & de le souffrir pres
de nostre Personne. C'est pourquoy les Roys doiuent bien
observer ceux qui les approchent, & voir quels ils sont, &
quels ils y ont esté, de peur qu'ils ne mettent pas leur hon-
neur en compromis, ny leur personne en desordre. On ne se
doit iamais conseiller des moyens qu'il faut tenir pour bien
regir vn Estat selon Dieu, ny avec vn impie, ny avec vn Athée.
L'iniustice ne nous scauroit iamais prescher que l'iniustice.
Vn lasche ne scauroit faire que des actions de lascheté, & vn
ingrat ne reconnoistra iamais les biens & les honneurs qu'on
luy aura faites, que d'une erernelle ingratitude. Enfin ceux
qui n'ont aucune verité en leurs paroles, qui ne visent qu'à
brouiller les affaires, qui conferent avec l'Estranger, & qui
negocient dans l'Estat les moyens de se mettre la Couronne
sur la teste, ne valent rien ny pour le Roy, ny pour le Peuple.
C'est pourquoy nous pouuons dire ensemble, *Te Deum lauda-*
mus: te Dominum confitemur, de l'auoir preuenü, & de l'auoir
reduit aux termes de changer de vie.

Loüons Dieu mes chers enfans, de nous auoir deliurez de peril où la malice des pernicleux & funestes nous alloit precipiter, sans aucun espoir de misericorde. Ne nous fions point iamais aux meschans ny aux fourbes, car il n'y a point de salut pour personne. Leur esprit tousiours diuisé ne songe qu'à la terre : mais le bon Dieu les à dissipé & toutes leurs funestes entreprises se sont reduittes en fumée. Bien-heureux sont ceux ausquels le Dieu de Iacob sert de protection, & desquels l'attente est de l'Eternel qui a fait le Ciel & la terre. Bien-heureux sont ceux qui vont tousiours le droit chemin, & ausquels il n'y a point de malice ny de fourbe. Bien-heureux sont ceux qui donnent nourriture à ceux qui ont faim, & qui ne songent point à piller leurs freres. Le Seigneur deliure ceux qu'on vouloit oppresser, & le Seigneur donne lumiere à ceux qu'on vouloit aveugler, par vn nombre infiny de blandices. Le Seigneur releue les humiliez, & le Seigneur abaisse les tyrans & les impies. Le Seigneur protege l'innocent, & le Seigneur favorise le iuste. Le Seigneur prend en main la veufue & l'orphelin, & le Seigneur les fait regner par dessus leurs aduersaires. C'est pourquoy Souuerain Eternel, source des plus saints desirs, origine des plus iustes conseils, & principe de toute sorte de beatitude, faite leur la grace de les conseruer, & d'empescher que leurs ennemis ne puissent plus prendre la campagne : car leurs desseins sont pernicleux, & leur liberté tres-dangereuse. Architophel ne fut pas plus funeste à Dauid, que ce Prince le seroit à sa Maiesté, s'il tenoit la campagne : mais Dieu qui nous a donné ce Souuerain dans nos plus grandes necessitez, luy enuoyroit vn million de Chusais, pour faire perir ce miserable. La haine qu'il s'est acquise, l'empeschera de prosperer, & le tiendra plus bas qu'un esclau. Personne ne s'oseroit fier aux promesses des meschans, n'y aux fuscitations des fourbes. Mais qu'ils sçachent, comme dit fort bien le Sage, qu'ils se ruinent eux-mesmes par leurs propres conseils, & leur conscience est tousiours tremblente. Leur condamnation est escrite du doigt de Dieu sur le paroy, & ces Balthazars & ses Satrapes, ne sçauoient euitier leur perte. Leurs sacrifices sont abominables au Seigneur, &

leur

leur esprit croit estre plus heureux en seruant le Prince de la nuit, qu'en seruant celuy qui nous a donné l'estre. C'est pourquoy loions le Sauueur qui nous a rachetez par son sang precieux, de nous auoir deliuré de ses entreprises. C'est à cette heure que nos cœurs seront tout à fait portez à l'obseruance de ses Commandemens sans estre inquietez, & qu'exempts de toute sorte de crainte, veu que les ennemis de l'Estat & de la Patrie sont arrestez, nous pourrons passer cette vie avec quelque espece de tranquillité, sous la garde du Souuerain Eternel, & sous la conduite d'un si bon Monarque que le nostre.

LA FRANCE.

Estant en des extremes calamitez, j'ay crié à vous Seigneur, du plus profond de mon cœur, afin de vous supplier tres-humblement d'exaucer mes plaintes. & afin que vos oreilles fussent attentiuës à la voix de mes prieres. Quand vostre Diuine Maïesté ramena le Roy dans Paris, ie fus toute consolée comme si le passé n'eust esté qu'un songe. Lors ma bouche fut remplie de ioye, & ma langue de liesse. Lors toutes les nations de la terre disoient que vous faisiez de grandes choses pour cet Estat, & pour vne Monarchie qui vous a esté tousiours plus considerable que pas vne de toutes les autres; mais auourd'huy vous n'avez pas moins fait pour mon bien & pour mon repos, de m'auoir deliurée de la main du tyran & de l'impie. Vous avez reduit ces Denys, ces Busires & ces Agathocles, comme vous reduisites les torrens aux pays des grandes secheresses. Et vous avez renfermé tous nos malheurs dans vne autre boëte que celle de Pandore. Ceux qui ont autrefois semé en pleurs, moissonnent maintenant en liesse: & cela a esté fait ainsi par vostre sainte misericorde, afin que ceux qui font toutes choses comme s'ils ne croyoient pas en vous, soient confus, par le moyen des graces qu'il vous a plu me faire. Les simulachres sont des ouurages faits des mains des hommes: ils ont vne bouche & ne parlent point, ils ont des yeux & ne voyent pas, ils ont des oreilles & n'entendent point, ils ont des narines & n'odorent point, ils ont des mains & ne tastent pas, ils ont des pieds & ne marchent point, & ils ont vne gorge & si ne crient pas. Que ceux qui me voudront per-

secuter d'oresnauant soient semblables à ces idoles, & tous ceux aussi qui se confieront en leur vertu & mesme en leur puissance. Mon peuple a tousiours esperé au Seigneur, & sa diuine bonté a tousiours aussi esté leur gloire & leur deffense. Le Seigneur Dieu l'a tousiours eu en sa memoire, & si il a pris soin de le benir de sa propre bouche. Je suis benîte du Seigneur entre toutes les montagnes de la terre. Seigneur Dieu, les morts ne vous loueront pas, & moins encore ceux qui descendront aux enfers : mais moy & mes peuples qui viuons, & qui vous auons tant d'obligations de nous auoir deliurez d'un esprit à faire tout perir pour m'auoir, sommes obligez de vous benir iusques à la fin des siecles.

P A R I S.

Nous vous louions adorable Sanctificateur de ces ames, de nous auoir fait des graces que nous attendions avec des impatiences quin'en eurent iamais de pareilles. Les Israélites vous loueront bien de les auoir deliurez des mains des Madianites. Le diuin Apostre saint Paul vous loue bien de l'auoir sauué de la gueule du Lion, les trois Enfans vous louent bien pour les auoir tirez de la fournaise, & Paris ne vous loueroit pas de nous auoir deliurez de la tyrannie du Prince. Oüy, Seigneur, ie vous dois louer eternellement de m'auoir sauuée des mains de celuy qui me vouloit forcer, & qui se promettoit de me reduire en cendre. Oüy, Seigneur, ie vous loueray à iamais avec toutes les creatures visibles & inuisibles, raisonnables & spirituelles, qui sont au Ciel, sur la terre, & sous cette masse feconde, autant de fois qu'il y a d'indiuidus en la nature, de m'auoir mise à couuert des funestes reuers des impies. Louiez-le, Courtisans celestes, louiez-le esprits Angeliques, louiez-le toutes ses puissances, louiez-le troupes Astrées, louiez-le demeure eternelle, louiez-le peuples terrestres & aquatiques, d'auoir mis mes ennemis en estat de s'humilier, & de ne me pouoir pas nuire. Oüy, souverain prince de tout l'estre créé, ie vous confesse comme Seigneur eternel & independant, & qui peut tout ce qu'il lui plaist en faueur de ses creatures, de m'auoir mise au dessus de mes aduersaires. Je vous confesseray de tout mon cœur, parce que vous avez oüy les paroles de vostre pauvre Cité, &

parce que i'ay aussi entendu toutes les vostres. Je chanteray
deuant les Anges, i'adoreray en vostre saint Autel, & ie be-
niray vostre Nom, parce que vous auez exaucé les supplica-
tions que ie vous ay faites. Ouy, Seigneur, ie vous confesse-
ray de toute mon ame, au conseil & en la congregation des
iustes: car vous auez fait de grandes choses pour vne Ville
qu'on vouloit piller, & qu'on vouloit après cela reduire à
neant, pour se venger de l'outrage qu'elle auoit commis de
n'auoir pas voulu souffrir sa perte. Confession & magnificéce
se trouueront en ce bien-fait, Seigneur, iusques à la fin des
siecles. Aussi estes-vous contre le sentiment de ces esprits
abominables, celuy en qui les hommes & les Anges doiuent
esperer, & mettre toute leur confiance.

LE LANGVE DOC.

Non seulement toute la France: mais encore toute la terre
habitable vous honorera, Seigneur, en reconnoissance de
tant de graces que vostre Diuine bonté a voulu faire à cette
pauvre Prouince. Aussi ne faites-vous rien pour l'homme que
pour en estre honoré, parce que toutes vos actions ne visent
qu'à nostre profit & à vostre gloire. Mais ce qui est plus à vo-
stre honneur doit estre fait le premier & preferé à toute autre
chose. C'est pourquoy vous auez voulu assujettir tout ce qui
est, à vostre cher Fils *IESVS-CHRIST*, afin que tout ce
qui est, vous pût honorer en sa personne. Il n'y a rien dans le
monde qui ne presche les faueurs qu'il vous a pleu faire à
chaque estre. Le Ciel vit que vous l'auiez fait tel qu'il est: le
Soleil nous apprend que vous l'auiez mis au monde: la Lune
monstre au silence de la nuit qu'elle est vostre creature: le
reste des Astres font bien voir que vous les auez formez: les
espaces de l'air nous preschent vostre immensité: la terre fait
bien paroistre que vous estes vn Dieu: la Mer son principe:
les abysses leur autheur: & tout le monde ensemble mar-
que bien qu'il est l'ouurage de vos mains sacrées. Les Cieux,
dit Dauid, racontent vostre gloire pour vous honorer, & ces
cercles tousiours roulans publient incessamment la grandeur
de vos merueilles. De sorte qu'il n'y a rien dans le monde qui
ne vous reuer, ou qui ne vous doie reuerer comme Pere
eternel de toutes choses. Cela estant, il me semble que ie suis

du nombre, & que ie suis aussi par consequent obligé de m'acquiescer dignement des graces qu'il vous a pleu me faire, en faisant mettre le Prince au Bois de Vincennes, avec tous ses complices.

LA GUYENNE.

C'est à ce coup icy, que ie chanteray de bon cœur, *Te-Deū laudamus : te Dominum confitemur*, puisque celuy qui fomentoit nos malheurs est arresté, & priué de mettre en proye tout le reste de la France. Ha ! Demon prodigieux, furie infernale, à quelle fin est-ce que tu voulois perdre tant d'ames pour mettre l'Estat en compromis, & ruynier les affaires de celuy qui te peut oster la vie sans iniustice. Ha ! tyran insigne, qui ne faisois que te repaistre du sang humain, & qui portois le poignard dans le sein de celle qui t'a donné la vie ; songe maintenant à ta conscience si tu en as, & croy que Dieu ne laissera rien d'impuny, & qu'il te fera rendre conte de tous tes crimes. Est-il possible que la France ait produit des hommes, qui ne veilloient qu'à perdre leur Patrie ? est-il possible que la France ait donné l'estre à des si effroyables impies. Combien d'hommes massacrez, combien de femmes violées, combien de familles ruynées, combien de maisons brûlées, combien de sacrileges, & combien d'impietez, pour assouvir ton ambition & ta rage. Mais qui plus est, combien de pertes d'ames, qui n'auoient pas moins cousté à Iesus-Christ que le reste des hommes. Ozeras-tu jamais t'approcher de Dieu, pour luy rendre cōpte de toutes tes actions passées : & crois-tu qu'il vienne encore vne fois pour toy seul mourir en Croix, pour te racheter de tous les crimes. Esperois-tu en portant ceux qui gouvernent les affaires à ruynier le peuple, & en donnant au peuple vne mauuaise impression de leur Prince, te mettre la Couronne sur la teste. Croyois-tu auoir assez d'esprit pour abuser tant de clairs-voyans, & assez de bon-heur pour reüssir à toutes tes abominables entreprises. Croyois-tu auoir donné tant de terreur à ceux qui sont au dessus de toy, qu'ils n'oseroient pas mesme faire semblant de connoistre, ny de se plaindre de tes deportemens, quand mesme tu les auois faits à leur presence. L'ambition & la presumption sont cause de ta perte. Apprends donc à te connoistre là où tu es, cepen-

cependant que nous nous resiouïront de tes disgrâces. Te croy
que tu auras assez de temps pour cela, si Dieu te preste vne
vie qui ne te sera pas moins funeste qu'ennuyeuse.

LA PROVENÇE.

Oüy, Seigneur, non seulement toutes les Hierarchies Ce-
lestes, qui sont les Anges, les Archanges, les Principautez,
les Puissances, les Vertus, les Dominations, les Throsnes,
les Seraphins, & les Cherubins, vous doiuent appeller trois
fois Saint : mais encore tous les plus incredules habitans de
ceste Monarchie Françoisse, si cas est qu'il y en ait quelques
vns qui soient tachez d'vne vie si abominable. Oüy, Seigneur,
vous estes le seul Sainct des Saincts, voulant estre adoré pour
cela, & ne pouuant pas souffrir qu'on rende ce qui vous ap-
partient qu'à vous mesmes. Aussi estes - vous ce Dieu jaloux,
qui ne veut pas que sa gloire soit manifestée qu'à sa propre
personne. Oüy, Seigneur, vous estes ce Dieu qui contre le
sentiment de quelques mal-heureux impies, nous auez sau-
uez de leurs lacs & de leus embuïsches, afin d'establiir vne
paix vniuerselle dans toute ceste Monarchie. O sainte & sa-
crée Trinité faites nous la grace de nous la conseruer le reste
des siecles, en dépit de celuy qui trauailloit à nous perdre.
Vous lisez bien dans nos cœurs Pere, Fils, & Sainct Esprit, les
voeux que tous mes enfans vous font, pour la retention de ces
ames de bronze. Conseruez - les de grace entre quatre mu-
railles, iusques à ce que l'eternelle les tire de là pour leur de-
mander compte de tous leurs actions passées. Vous sçauéz bié
auec qu'elle passion nous raschons de pousser ces souhaites,
iusques dans le sein de vostre generationernelle. Oüy, pro-
duction infinie, c'est vne supplication qui part de nos cœurs,
auec vn zele incomparable.

LE DAVPHINE.

Les cieux & la terre sont pleins de la Maïesté de vostre gloi-
re, souuerain Seigneur de toute la nature créée. Elle est en la
nuée, ainsi que nous l'apprend ce digne conducteur des legiôs
Hebraïques: elle est en la Montagne de Sina, comme vn feu
tres-ardent: elle est sur le roict de l'Alliance aux Israëlitites:
elle remplit le temple & le Tabernacle qui vous ont esté con-
sacrez: & maintenant toute nostre Prouince se void tellement

comblé, par la prise du Prince, qu'il n'est rien au monde de semblable. C'est vn coup que vous auez voulu faire pour nostre salut, afin que toute la gloire vous en soit attribuée. Auf-
sirienn ne se peut faire sans vostre concours, ny sans vostre grace. Gloire vous en soit donc renduë, grand Dieu des armées, iusques à la consommation de toute la nature perissable. Les Cieux dit Dauid manifestent la gloire du Seigneur, & l'estenduë d'en-haut monstre quel est l'ouurage de cét Artisan inimitable. Nous pouuons bien dire à l'imitation de ce grand Prophete, que la prise de ceux qui troubloient l'Estat, ne la manifeste pas moins que le reste ; puis que c'est vne actiō d'où dépendoit tout le salut de cette Monarchie. Sous portez d'vne paix generale ouurez-vous, la cause de tous nos malheurs est prisonniere. Quelle est cette cause de tous nos malheurs ? C'est vn esprit remuant, c'est vn esprit ambitieux, c'est vn esprit libertin, c'est vn esprit altier, c'est vn esprit de Diagoras, & de Theodorus, tout propre à perdre l'Estat, si son maistre le vouloit croire. Enfin ce seroit vn autre Ælius Sejanus s'il trouuoit la facilité d'vn Tybere, dans la conduite d'vn Dieu-donné à ceste Monarchie François. Mais iotions Dieu cependant que ce Conquerant inimitable s'en ira enleuer Damiette aux Mamelus, prendre le grand Caire, assuiettir Biser-
te, forcer Constantinople, & reduire tout le pays des infidelles à son obeïssance dans le bois de Vincennes.

LA BRESSE.

Que la glorieuse compagnie des Apostres vous loïe Dieu d'vne bonté infinie de nous auoir deliurez de la cause de tous nos malheurs, & de nous auoir conserué tant de graces ; puis que nostre insuffisance ne nous permet pas de nous en acquiter digne-
ment, comme il le faudroit faire. Que le loüable nombre des Prophetes vous en reuere, puis que toute l'industrie de nostre esprit, se trouue incapable d'vn si digne office. Que tous les resplandissans exercices des Martyrs vous en glorifient ; puis que nostre entendement ne scauroit arriuer à vne reconnaissance si genereuse que celle qu'on vous deuroit faire. Neantmoins Seigneur, nos levres ue laisseront pas de vous loüer de ce digne bien fait le mieux qu'il nous sera possible. Le Roy s'esquira en vous grand Dieu, & tous ceux qui iure-

ront en son nom, se glorifieront en luy : car ses ennemis son découverts & arrestez, & la bouche de ceux qui en parloient mal, sera close. Tous les Peuples vous en loueront : car vous iugez les gens en equité Seigneur, & vous punisez les criminels & les abominables. Louiez cette adorable bonté, des graces qu'il luy à pleu de nous faire : Esprits bien-heureux, qui vivez dans vne felicité parfaite. Louiez-le Ciel, terre, mer, & tout ce qu'il y a des Estres en la Nature crée, de la Clemence dont il a vſé enuers ses creatures. Sa gloire est pardessus le Ciel, & ses graces sont incomprehensibles. Louions-le en ses Saints lieux, & en l'étendue de nostre force. Louions-le en ses puissances & selon son extreme grandeur. Louions-le en son de trompe, de Psalterion, de harpe, de tambour, de haut-bois, de violes, d'orgues, & de cymbales de iubilation, de ce qu'il a lié les mains aux ennemis de cette Couronne. Louions le Dieu de Iacob : Car sa misericorde est abondante sur nous, & sa verité demeurera de siecle en siecle, depuis le commencement des temps, iusques à la fin du monde. Le nom du Seigneur est digne d'estre louié, d'auoir exaucé les prieres que nous luy faisons, & d'auoir détruit le conseil des fourbes & des sangsues.

LA BOURGONGNE.

Bon Dieu, falloit-il que nous eussions vn Gouverneur si outrag eux à son Souuerain, & si funeste à sa Patrie. Certainement les Princes ne doiuent iamais rien entreprendre, sans bien examiner leurs desseins en particulier, & sans bien consulter leur conscience. La gloire de Dieu & l'interest du Peuple doiuent estre les principaux conseillers de leurs affaires; & ainsi conduits du saint Esprit, ils ne sçauroient faillir en fauor i quelconque. Enfin ils doiuent estre tels en leurs resolutions & en leur conduite, qu'ils voudroient estre au iour qu'ils feront iugez eternellement, par celuy qui leur fera rendre compte iusques à la moindre de leurs pensées. Ainsi ils obligeroient tout le monde à les cherir, & à bien dire de leur personne. Celuy qui méprise la crainte du Seigneur, ruine sa prosperité, & se met au nombre de ceux qui sont reprouez de l'Euangile. Dieu les consume en vn moment, & ils s'esuanoïssent comme vn songe; & par sa prouidence eternelle il

retranche leur vie au milieu de leurs iours, & les precipite au centre de ses disgraces. Au contraire ceux qui sont francs de crainte & de blasme; qui sont iustes & incorruptibles, dont les effets de la colere ne s'exercent iamais que contre les ennemis de l'Estat; qui sçauent pour le bien du Souuerain gagner l'amitié du Peuple; qui donnent le mesme conseil à leur Prince qu'ils voudroient receuoir pour eux, & qui font vn pareil examen de leur conscience, que s'ils se confessoient à Dieu; ceux-là veritablemēt sont dignes d'estre reuerrez avec des passions extraordinaires. Mais ceux qui pour paruenir à leurs fins interessées comme nostre Prince, & qui s'abandonnent à toute sorte d'iniquitez, meritent vn chastiment exemplaire. C'est pourquoy nous deuons louer le Seigneur, qui a pris le soin de dissiper ses projets, & de l'empescher de nous nuire.

LA NORMANDIE.

Oüy, Seigneur, la sainte Eglise vous confesse & vous confessera par toute la rondeur de la terre, d'auoir tourné les yeux de vostre misericorde, sur le déplorable estat où toute la France se voyoit reduite. Ouy, Seigneur, nous vous confesserons avec elle de tout nostre cœur, au conseil & en la congregation des iustes. Ouy, Seigneur, nous vous confesserons de toutes les puissances de nostre ame, parce que vous avez ouy nos supplications, durant que ie me voyois à la veille d'estre reduite en vne extreme misere, par les funestes menaces des Princes que vous avez humiliez pour nostre gloire. Je chanteray vos insignes faueurs deuant les Anges; ie vous adoreray en vostre saint Temple: & ie confesseray hautement par tout, la grandeur de vostre Sagesse & de vostre conduite. Exaucez moy mon Dieu au iour que ie vous inuoyeray: car i'ay plus besoin de vostre secours, que pas vne autre, de toutes les Provinces de France. Vous me viuifierez Seigneur, si ie chemine dauantage au milieu des tribulations: & vous étendrez vostre main sur vos ennemis, afin de leur monstrez que ie suis en vostre sauue-garde. Je croy fermement que vous ne laisserez pas de faire pour nous, ce que vous faites tous les iours pour des peuples ingrats, & pour des ames perfides. Vous nous avez desia donné vostre cher Fils pour nostre salut, vous nous
donnerez

13

donnerez donc bien encore la paix pour nostre repos, puis que c'est vne faueur de moindre importance. Vous auez dit, qu'il ne falloit que croire pour estre bien-heureux, & pour auoir de vostre diuine Majesté, tout ce qu'on scauroit desirer de vos graces. Faites donc, s'il vous plaist, que ces perturbateurs du repos public, ne puissent iamais auoir la liberté de de nous nuire. Saint Matthieu nous assure que toutes choses sont possibles à ceux qui auront autant de foy, que peut contenir de grosseur vn grain de moustarde. Si cela est comme il n'en faut point douter, ie veux viure en repos, & croire fermement que le Bois de Vincennes ne s'ouuira iamais pour leur sortie, si quelque furie infernale ne se met à trauerser nos affaires.

L A P I C A R D I E.

Pere de Majesté immense, venerable & vnique Fils du Tout-puissant, & vous Saint Esprit Consolateur des bonnes ames, faites nous la grace de conseruer ces mal-heureux perturbateurs du repos public, dans la condition qu'ils se sont acquise par leur mauuaise vie. Nous auons souffert tant de maux depuis le commencement des guerres, que ie tremble encore au seul souuenir de ces pensées. Louanges infinies vous soient rendues, Dieu de paix & de misericorde, d'auoir inspiré les moyens à nostre bon Roy, de mettre cét Estat dans vne tranquillité publique. I'ay esté presque tousiours le refuge des legions estrangeres & domestiques. Tout mon peuple est ruiné, tous mes Autels sont démolis, & toutes mes maisons rasées: Si bien que ie suis aux abois, si vous n'auiez pitié de cette pauvre affligée. Mais ie me confie en vostre misericorde Seigneur, & en la grace que vous nous ferez de tenir estroitement enfermez, ces pestes du genre humain, dans les lieux où l'on vient de les mettre. Quel sacrifice digne de ce bien-fait vous scaurons nous rendre, souverain Sauueur de nos ames, en reconnoissance d'un si grand benefice. O capture qui comblez nos esprits de douceur: O faisie qui tiendrez toute la France dans vne parfaite harmonie: O hardie entreprise qui nous donnerez vne felicité sans pareille: O coup d'Estat inimitable, qui scauez si dignement appuyer l'autorité du Souuerain; que nous auons de l'obligation à celuy qui vous a

donné l'estre. Charité incréée deliurez nous de leurs conspi-
rations, & de la rage de ces engeances. Et vous digne Oingt
du Souuerain eternal; illustre puissance qui ne releuez que de
la sienne, faites-nous la grace de les conseruer là dedans ius-
ques à la fin de leurs iours, ou bien de leur rendre iustice selon
l'enormité de leurs crimes: Et nous vous promettons deuant
Dieu & deuant les hommes, de vous benir eternellement, &
de prier tous les iours pour vostre santé, & pour la prosperité
de vos armes, contre toutes les forces Estrangeres.

LA CHAMPAGNE.

Ouy, Sauueur de nos ames, vous estes ce Roy de gloire,
qui doit iuger les viuans & les morts, & qui doit rendre à cha-
cun ce qui luy appartient avec iustice. Ouy, digne Reparateur
de toute la nature humaine, vous estes le Fils Eternal du Pe-
re, qui de sa seule volonté, a donné l'estre à toutes les cho-
ses. Ouy, veritable, Isaac, vous n'avez point eu en horreur
de vous incarner dans le ventre d'une vierge sans macule; &
qui sert de refuge à toutes les ames pecheresses, afin de nous
deliurer de l'esclavage où nous estions soumis, par la faute
de nostre premier Pere. C'est pourquoy nous vous supplions,
adorable Redempteur de tout l'estre mortel & raisonnable,
de dissiper le conseil des meschans, & de les tenir si bien atta-
chez, qu'ils ne puissent iamais nuire à personne. Maintenez
nous Seigneur dans vne parfaite vñion, & dans l'amour pater-
nel de nostre souuerain Princee. Comme Fils du Pere Eternal,
& comme Dieu consubstantiel à ce souuerain incomprehen-
sible, toutes choses vous sont faciles; puis que le pouuoir ne
sçauroit estre separé de l'estre independent, & que l'un &
l'autre sont vne mesme en vostre personne. Ne nous deniez
donc pas cette grace, ie vous en supplie. Le desordre où ie me
trouue encore à present, m'oblige à vous faire cette deman-
de du meilleur de mon ame, avec des empressemens incroya-
bles. Vostre bonté & vostre misericorde sont d'une nature infi-
nie: de sorte que la requeste que ie vous fais, avec vne passion
tres-zelée, ne sçauroit estre qu'elle ne vous soit agreable &
bienaisée; puis qu'elle est comprise de celuy qui comprend
toutes choses. Quoy, Seigneur, ne faites vous pas tout ce
qu'il vous est possible pour vostre gloire? La grace que nous

vous demandons, en fait vne partie, Sauueur de nos ames, & c'est à quoy nous visons de tout nostre cœur, pour vous satisfaire. Rendez donc mon Dieu à chacun ce qui luy appartient, comme vous commandez à toutes vos creatures de le faire, & vous nous obligerez à benir eternellemēt vostre saint Nom, & à vous rendre des graces infinies. Rendez donc mon Dieu la prison de ces criminels, d'une nature inuiolable, afin que vos pauvres peuples puissent viure plus heureusemēt en paix, en vostre amour, & en vostre sainte crainte, iusques à la fin du monde.

L A B R I E.

Vous qui avez vaincu l'aiguillon de la mort, & qui avez ouuert le Royaume des Cieux aux croyans, adorable Sauueur de nos ames, faites nous la grace de vaincre non seulement les menées & les traux de ces esprits de discorde, qui ne songent qu'à semer de la zizanie entre le Prince & le peuple: mais aussi de les tenir où le Roy les a fait mettre, iusques à ce que Dieu les enuoye querir pour comparoistre deuant le tribunal de sa sainte & sacrée iustice. Ouurez nous le sein de vostre diuine misericorde, afin que la paix qu'il vous a pleu nous donner, soit d'une eternelle durée. Chassez de cēt Estat toutes les furies infernales qui leur tendoient la main, & qui s'estoient consacrez à leurs funestes menées. Ce sont des Erynnées, qui ne cherchent avec les funestes flambeaux de leur cruelle ambition, qu'à mettre vne incendie generale, aux quatre coins de cēt Empire. Punissez ces malheureux Alcetons du mesme supplice qu'ils nous vouloient iniustement faire souffrir, plustost que de leur faire la grace de les garder si long-temps, aux despens des finances du Prince, & toutes les posteritez vous loieront, iusques à la fin des siecles. Vous nous avez desia donné la paix, vous avez redonné nostre Prince à ces subiects, & vous avez decouvert & rompu les trames des esprits reprouuez, & vostre diuine Maiesté nous fera bien la grace de nous deliurer de ces engeances Plutoniques. Ce seroit bien encore pis s'ils estoient eslargis, & qu'ils eussent la liberté de continuer leurs menées; iusques icy ce n'est rien que ce qu'ils nous ont fait, au prix de ce qu'ils feroient pour continuer leur dessein, & pour se vanger contre nous d'auoir

attenté sur leur personne. La France ne seroit qu'une victime qu'ils consacreroient à leurs passions, le glaive & les feux, regneroient sur tout cet Empire, sans aucune esperance de misericorde. En contemplant vostre estre Seigneur, vous y voyez comme dans vn miroir vniuersel, toutes leurs funestes intentions, puis que vous y voyez non seulement ce qui a esté, ce qui est, & ce qui sera: mais encore tout ce qui pourroit estre. Vous y voyez leurs souhaits, & leurs imaginations, par vne connoissance anticipée. Or puis que cela est Sauueur de nos ames, & que vostre puissance estant d'une nature infinie, se peu estendre sur toutes choses, ne refusez donc pas cette grace Seigneur à vostre pauvre peuple. Nous auons l'honneur d'estre de vos membres, & comme tels Seigneur, nous vous supplions tres-humblement de nous soulager en tout ce qui vous sera possible. C'est vne partie de vous mesme qui vous fait ces supplications, & qui vous coniure au nom de la Passion de vostre cher Fils, de la mettre à couuert des outrages de cette engeance infernale. Iesus-Christ est mort pour les peuples, & non pas pour les tyrans, ny pour les impies. Vostre iustice est si complaisante à vostre misericorde, qu'elle fera eternellement vanité de luy ceder quelque chose de tout ce qui luy est possible. Elle condescendra tousiours aux sentimens que vous aurez pour la misere des hommes. Faites donc s'il vous plaist, Seigneur, que nous soyons bien tost deliurez de ces demons incarnez, & de ces ames de sang ou de bronze, & apres cela vos Temples & vos Autels seront plus assurez, & vos pauvres creatures plus libres de vous obeyr & de vous louer, comme vn Pere plein d'amour & de charité, pour ses miserables creatures.

LE BERRY.

Vous estes assis à la dextre de Dieu, en la gloire du Pere, & nous croyons que vous estes le Iuge à venir, à qui chacun sera obligé de rendre compte de toutes ses actions passées. O Dieu de Majesté infinie ! que ne ferez-vous pas en cette qualité, contre ceux qui nous vouloient piller, & qui nous vouloient perdre ? vous armez vostre main vengeresse de carreaux & de foudres, pour punir ces abominables esprits dedans l'eternité des siecles. Oüy, Seigneur, vous viüterez les iniqui-

iniquitez de cette race maudite, iusques à la troisieme & quatriesme generation de leurs familles. Ce sera alors que le Ciel & la terre fremiront deuât vne iustice si redoutable que la vostre. Ce sera alors que la terreur saisira les plus iustes de se voir accablez de tant d'iniustices. Je tremble, Seigneur, quand ie pense à cette espouuentable voix qui descendra du Ciel ; sur toute la surface de cette terrestre demeure, pour commander aux morts de reprendre la lumiere, & d'aller promptement ouïr leur Arrest eternal, de la propre bouche d'un Iuge qui épluchera iusques à la moindre de nos pensées. Mais en attendant vne execution si funeste sur des ames si reprouuées que celles que sa Majesté a fait mettre au Bois Vincennes, faites-nous la grace, Seigneur, de les toucher de vostre S. Esprit, ou de les tenir tousiours enfermez, afin qu'ils ne nous puissent pas nuire : & ainsi vous nous conseruerez la Paix, que nostre iuste Monarque nous a donnée. N'oubliez pas aussi, grand Dieu, d'assister nostre Roy d'un bon Conseil, de le maintenir dans vne parfaite santé, & de le rendre victorieux & triomphant sur tous ses ennemis & sur tout le peuple infidelle, afin que vos loüanges & ses conquestes soient d'une plus grande estendue. Après cela, tout le monde vous honorerà comme Pere eternal, qu'on confessera vostre saint Nom par tout, que toutes les Hierarchies celestes auront vne plus generale satisfaction, & que l'Eglise militante sera plus vniuerselle qu'elle n'est pas ; pour vous louer, & pour vous offrir un plus grand nombre de Cantiques de gloire.

LE LIMOSIN.

C'est à ce coup, Seigneur, que nous vous supplions tres-humblement de subuenir aux necessitez de vos pauvres seruiteurs, lesquels vous auez rachetez de vostre Sang precieux, quoy que tres-indignes de ces graces. Vostre pouuoir & vostre bonté, sont d'une nature tres-vniuerselle & tres-infinie. Comme souuerain Seigneur de tout l'estre créé, toutes choses vous sont possibles : & comme infiniment bon, charitable & misericordieux, vous ne refusez iamais de nous assister, & de subuenir à toutes nos necessitez, lors qu'on vous sçait pieusement obliger à nous estre propice. Appliquez donc à nostre profit cette bonté & cette puissance dont vous estes si diuine.

ment pourueu, adorable protecteur des ames affligées: d'autant que nous vous en supplions avec toute l'humilité & toute la ferueur qu'il nous est possible, afin de nous deliurer des embusches de nos prisonniers d'Estat, & afin de nous mettre en repos tout le reste de nostre vie. Cela se fera si vous l'entrepreniez, puis que vostre seule volonté suffit pour donner l'estre à toutes les choses. Si vostre volonté est infinie, comme il n'en faut pas douter, il faut necessairement aussi que vostre pouuoir le soit, veu que ces deux facultez, ou pour mieux dire, ces deux attributs ne sont qu'une mesme chose, en vostre personne. Vous sçaez les maux que nous auons soufferts en ces derniers troubles, & vous voyez encore ceux qu'on nous vouloit faire souffrir, pour assouuir vne ambition demesurée, qui s'est glissée dans l'esprit du plus abominable de tous les hommes. Ayez donc compassion de nos miseres, charitable reparateur de tous nos desordres, afin que le Roy nous fasse tousiours viure en Paix, & mesme afin que nous soyons tousiours en estat de chanter hautement vos graces. Donnez-nous moyen de subsister, Seigneur, dans vn pais affligé de tous les malheurs du siecle, & vous nous obligerez à benir vos bontez sans apprehension quelconque, dans la durée d'une eternité incomprehensible.

L' A V V E R G N E

Faites, Seigneur, que nous soyons admis avec vos Saints en la gloire eternelle. Sauuez, Seigneur, vostre peuple, & benissez vostre heritage. Ne nous abandonnez pas à la passion de nos ennemis. Conseruez nous le Roy, & nous donnez vne Paix de longue durée, après auoir mis les meschans en lieu de seureté, & après auoir assuré le Prince & le peuple. Après cela, Seigneur, nous vous louerons eternellement comme Dieu, & nous vous honorerons comme Pere & comme Seigneur de toutes choses. Si vostre Diuine Majesté n'eust esté maintenant avec nous, la fureur de nos aduersaires nous auroit peut-estre eugloutis tous vifs, selon la proposition qu'ils en auoient faite. Ils auroient peut-estre pillé nos Autels, massacré nos enfans, & reduit tout le pais en cendre. Loué soit le Seigneur qui les en a empeschez: Loué soit le Dieu de Iacob qui nous a mis en Paix: & loué soit sa Diuine Majesté,

qui ne nous a pas donnez en proye à ces tyrans, & à ces ames peruerfes Nostre vie est eschapée des lacs qu'ils nous auoient tendus, comme celle des pastereaux s'eschape quelquefois des mains des oiseleurs qui les pourchassent. Lotié soit le Seigneur, qui ne nous a pas abandonnez à la mercy de ces furieux exterminateurs, & qui nous a sauuez de leurs traits homicides. Leurs desseins se sont éuanouys, & leurs conspirations se sont dissipées par leur prise. Beny soit celuy qui les a fait arrester: Beny soit celuy qui les a arrestez, & beny soit celuy qui les empeschera de sortir du lieu où le Roy les a fait mettre. Nostre aide s'est fait au Nom du Seigneur, qui a créé le Ciel & la terre. C'est maintenant, Souuerain Eternel de nos ames, que vous auez laissé vostre pauvre peuple en Paix, selon vostre sainte promesse. Vous auez préparé nostre salut deuant la face de l'Vniuers, pour donner lumiere aux fouruoiez, & gloire à cette Monarchie. Benissez-le, heureux habitans de cét Empire, de vous auoir tirez du malheur où tout l'Estat se voyoit plongé, & d'où toute la prudence humain ne nous auroit sceu garantir sans vostre assistance. Benissez vostre heritage, Seigneur, afin qu'il puisse subsister en Paix, selon vostre sainte misericorde. Benissez-le, troupe Celeste: benissez-le tous elemens: benissez-le, Vertus, de sa toute-puissance: Vous Astres flamboyans, pluye, rosée, bruine, chaleur, froidure, lumiere, tenebres, montagnes & colines, lacs & fontaines, animaux terrestres & aquatiques, & vous ames iustes & raisonnables: benissez le Seigneur, qui nous a deliurez des pernicious desseins de nos ennemis, & qui nous a fait la grace de nous regarder de son œil de misericorde. Sa Diuine bonté veuille que cela soit iusques à la fin des siècles.

L'ANIOV.

Gouuernez, Seigneur, vostre peuple, & l'esleuez en sorte que la tyrannie ne le puisse iamais atteindre. Quoy que j'aye l'honneur d'estre l'appanage des fils de France, ie n'en suis pas mieux traité. L'on me deschire les entrailles, l'on me pille iusques aux os, l'on me vole les choses plus necessaires, & l'on me gouerne comme vne terre conquise par la force des armes. Mais j'espere que la prise de ceux qui causent tous les

accorder, nous donnera plus de repos, & qu'elle nous assure-
 ra pour iamais d'une Paix tres-desirée. C'est pourquoy,
 Seigneur, après nous auoir fait la grace d'escouter nos prie-
 res, j'espère que vous nous ferez encore celle d'empescher
 ces méchans de nous iamais plus mal traitter, comme vn
 peuple que vous auez dessein de gouverner continuellement
 icy bas, & d'esleuer vn iour là haut dans vne beatitude eter-
 nelle. O Dieu d'une bonté infinie, nous crions à vous du
 profond de nostre cœur, afin que vous prestiez l'oreille à nos
 demandes. Depuis la garde du matin, iusques à la garde de
 l'autre matin, nous espérons en vostre miséricorde. Escoutez
 nostre priere, receuez nostre supplication en vostre verité, &
 nous exaucez en vostre Iustice. N'entrez point en iugement
 avec nous, Seigneur, parce que nul viuant ne sera iamais iu-
 stifié deuant vostre face. L'ennemy nous a persecutez, & nous
 a abbatus iusques en terre : mais auourd'huy, Seigneur, vous
 retirerez nostre ame de tribulation, & par vostre grace vous
 destruirez tous nos aduersaires ; car nous auons fait vœu d'es-
 tre vos seruiteurs, tant qu'il vous plaira de nous maintenir
 au nombre des choses. Vous n'estes pas moins miséricor-
 dieux que vous l'estiez du temps de nos premiers Peres : c'est
 pourquoy nous leuons les mains vers vous, afin d'implorer
 vostre assistance, & afin que nos ennemis ne sortent iamais
 du lieu où l'on les a mis, que pour nous bien faire.

L A X A I N T O N G E.

Nous vous benissons tous les iours, Sauueur de nos ames,
 & nous loions vostre saint Nom à iamais, d'auoir fait met-
 tre nos persecuteurs en lieu de seureté, pour les empescher de
 nous nuire. C'est vn miracle, Seigneur, que vous auez fait
 pour nostre salut, lors que nous estions sur le bord de perir
 sans auoir autre esperance que la vostre. O que nous vous
 sommes redevables! adorable Repareur de toute la nature
 humaine, d'une grace si extraordinaire. Que toutes les sub-
 stances materielles & immaterielles vous en loient, Iuge uni-
 uersel de toute la nature créée. Que les Saints & les Anges
 vous en benissent, digne voix de sa toute-puissance. Que les
 Cieux & les Elemens vous en rendent graces, digne Soleil de
 Iustice. Que les animaux terrestres & aquatiques vous en
 chan-

chantēt des cantiques de resiouissance, Sageſſe eternelle. Que les vegetaux & les mineraux vous en glorifient, l'Archetype tousiours ſemblable à ſoy-meſme. Enſin que c'eſt Iſaac veritable qui s'eſt immolé pour le ſalut de toute la nature humaine, vous en remercie pour nous, de peur que noſtre ingratitude ne ſurmonte la grace qu'il vous a pleu de nous faire. Louons & benifſons cēt eſtre incomprehenſible: car il a fait des choſes merueilleuſes en faueur de ſon pauvre peuple. Il s'eſt acquis le ſalut du monde par ſa dextre & par ſa force. Il nous a fait connoiſtre ſon ſalut, & nous a reuelé ſa Juſtice deuant toute la terre: il s'eſt ſouuenu de ſa bonté, & des calamitez de cette miſerable Prouince. Toute noſtre poſterité ſçaura les biens qu'il nous a faits, & nos enfans publieront ſes graces iuſques à la fin des ſiecles: Car ſi la miſericorde eſt abondante ſur nous, & ſa verité ſera d'vne eternelle duré.

LA BRETAGNE.

Seigneur, ſi l'emprisonnement de Monsieur le Prince n'aſſeure la paix que le Roy nous a donnée, ie ſuis en eſtat d'eſtre la proye d'un nombre infiny de legions eſtrangeres & domeſtiques. Mais qui la pourroit troubler ſi on la garde bien eſtroitement, & ſi nous ne trauaillons pas à noſtre perte. A moins que de nous oppoſer nous meſme à noſtre propre bien, & à moins que de nous rendre volontairement complices de noſtre malheur, ie ne croy pas que noſtre felicité puiſſe eſtre troublée de quelque diſgrace. Seigneur, ie voy biē que voſtre bonté ſe rend fauorable à nos ſupplications par ce coup d'Eſtat, & qu'elle nous veut mettre à couuert des traits de l'ambition, & des rages de la tyrannie. Vous appaiſerez maintenant voſtre courroux, & vous deſtournerez voſtre fureur & voſtre ire de noſtre face. O Dieu de noſtre ſalut retirez voſtre indignation de nous, & ſoyez tousiours propice aux ſupplications de voſtre pauvre peuple. Le ſalut de ceux qui vous craignēt ſera maintenant eternel, & voſtre gloire demeurera dans noſtre Prouince malgré ces tyrans & ces impies. Voſtre bonté & voſtre verité ſont inſeparables. Voſtre Juſtice marche à preſent deuant nous, & nous irons à vous par ſes voyes: car ie reconnois mon iniquité pour profiter d'oſeſnauant de toutes mes diſgraces. Rendez-moy mon premier bon-heur,

42
& me rassurez dans cette tranquillité publique. O Dieu de mon salut ! delivrez-moy de la conspiration des meschans, & ma langue chantera hautement vostre misericorde. Si vous souhaittiez quelque sorte sacrifice Seigneur, ie vous en offrirois, pour la retention de ces criminels : mais vous ne vous esloiyffez point en holocaustes. Faites bien par vostre bonté à ces pauvres cœurs contrits, & ne laissez jamais sortir ces perfides, afin qu'ils puissent plus facilement annoncer vos loüanges.

LE BERN.

Vostre misericorde soit faite sur nous, ainsi que nous l'avons tousiours esperé de vos graces Sauveur de nos ames. Il y a grande misere en moy Seigneur, qui suis exilé si loin, joignant les ennemis de cét Estat, & joignant la plus insupportable Nation de la terre. C'est pourquoy ie leue souvent mes yeux vers le Ciel, pour voir d'où viendra mon secours, & pour voir si vostre bonté se rendra exorable à mes plaintes. Mais vous nous preserverez Seigneur, & vous nous couvrirez de vostre main dextre, contre les conspirations de ceux qui nous vouloient perdre. Vous ferez si bien Seigneur, que la fureur de ces ennemis du repos public ne nous offensera pas, & qu'ils seront bien gardez dans leur retraite forcée. Ceux qui se fient en vous Seigneur, ne seront point esbranlez, non plus que les monts qui nous environnent, & vous ne laisserez pas regner la domination des Tyrans, sur l'heritage des iustes. Vous ferez grace aux bons : mais vous punirez ceux qui se portent à tramer la desolation des Peuples ; Parce que vous estes par dessus toutes les Nations, & parce que vostre gloire s'y trouve interessée. Vous releverez le pauvre de la terre, & retirerez l'indigent de la misere. La bouche des enfans qui sont en la mamelle confesseront vostre saint Nom, & admireront vostre puissance à la confusion de nos aduersaires, laquelle ne se doit exercer que pour détruire les ennemis du Prince & du peuple. Vous estes nostre refuge, nostre force, & nostre secours contre les reuers qui nous environnent. Que la terre se remüe sous nos pieds, que les plus hautes montagnes s'ébranlent, que toute la nature soit en vn estrange desordre, nous n'aurons rien à craindre, si vous prenez le soin de nous pro-

teger, & de nous tenir en vostre sauue-garde. Que toutes les Nations soit troublées, que les Royaumes soient en desordre, que les Demons de la guerre exercent leurs passions là où ils sont, que les voles, les meurtres, les violences, les sacrileges, & les incendies soient des actions vniuerselles, nous ne craignons rien de cela, pourueu que vous soyez nostre protecteur, & que le Prince ne soit pas en liberté de nous mal faire. Le Seigneur des armées est avec nous, & le Dieu de Iacob est nostre haute retraicte. Venez & considerez les œuvres du Seigneur eternal; car il a fait des choses prodigieuses pour le peuple de France, en faisant serrer l'exterminateur de sa Patrie. Il a fait en ce faisant cesser la guerre qui estoit aux quatre coins de cette Monarchie Françoisse. Il a brisé les arcs & rompu les armes de nos ennemis, & il a reduit en cendre les Targues & les Chariots de ceux qui nous vouloient perdre. Les gens qu'ils auoient apostez pour nous égorger se sont esuanouis, & leurs funestes complots se sont dissipés comme de la fumée. Le Seigneur des armées est avec nous, & le Dieu de Iacob sera eternellement nostre deffense.

F I N.

25

2. C



